

Акафист
преподобному
Агапиту, Врачу безмездному
Киево-Печерскому.



Акафист

преподобному

Агапиту, Врачу безмездному

Киево-Печерскому.

Кондак 1.

Избранный из жителей Киева/ в братию обители Успения Богородицы,/ болящих и умирающих исцелял еси/ облагодатствованною молитвами/ травою своею постническою, и слышиши:/

Радуйся, преподобнаго Антония Печерскаго последователю,// Врачу безмездный Возлюбленный¹.

Икос 1.

Ангелу подобному, с Афона низпосланному, молениям, бдениям, пощениям и страждущим прилежанию с лечением любви ради к Богу и ближнему подражал еси от юности до старости:

¹ Возлюбленный по-гречески звучит, как АГАПИТОС, на церковно-славянском АГÁПИТ.

Радуйся, Богом Любовию благословенный; радуйся, Божию Материю покровительствуемый. Радуйся, дом отчий в Киеве отринувший яко временный; радуйся, в Дом молитвы навеки преселившийся. Радуйся, со дня вхождения в обитель спасения ея не покидавший; радуйся, в пещере, тебе благословенной для жительства, для вечныя жизни самоумерщвлявшийся. Радуйся, Христово: нет больше тоя любви, аще кто положит душу свою за други, – при сем исполнивший; радуйся, святыми старшими научаемый. Радуйся, за Первоначальником братства вашего благоговейно назиравший; радуйся, благословения его на подвиги испрашивавший. Радуйся, якоже и он любовию Божественною пламенеющий; радуйся, не в туне исполненный Духа Святаго дарами, недужащих пользующий и омертвевающих воскрешающий.

Радуйся, преподобнаго Антония Печерскаго

последователю, // Врачу безмездный Возлюбленный.

Кондак 2.

Видя Старейшину Печерскаго яко безплотнаго постящася, ходяща, стояща, коленопреклоняющася и даром исцеления Божиим Божиим людям пособляюща, воспевал еси Божия Богови:

Аллилуиа.

Икос 2.

Разумом с трезвенным трезв, с чистым чист и здрав со здоровым, сердцем очищен грехов и скверн, и страстем странен, подлинным стал еси Учителя твоего учеником, радуясь о нем и его радуя:

Радуйся, яко прославлен бысть яве в Печерской обители новой ея Основатель целебным дарованием; радуйся, пришедший к нему в пещеру над Днепром, Агáпите блаженный. Радуйся, возжелав-

ший получить им души́ исцеление чрез в иноче-
ский чин постриже́ние; радуйся, удостоися желае-
маго ангельскому житию последовавший свято-
стию Первенствующаго. Радуйся, руководствовав-
шийся его наставлениями; радуйся, очевидче того,
яко муж сей Великий сам служил есть недугующим
и немощствующим. Радуйся, свидетелю исцеления
их его молитвою; радуйся, примечавший и то, яко
скрывая цельбу чудесную, подавал есть излечивае-
мым под видом лекарства тра́вы от своея пищи. Ра-
дуйся, взирая на сие начавший соревновати свя-
тому Старцу в подвигах многая лѣта; радуйся, к бо-
лящему брату приходя служивший ему яко чаду
своему матеръ. Радуйся, поднимавший его, укла-
дывавший и на руках выносивший; радуйся, непре-
станно о исцелении недужнаго Бога моливший.

Радуйся, преподобнаго Антония Печерскаго

последователю, // Врачу безмездный Возлюбленный.

Кондак 3.

Силою жертвенныя любви одних врачевал еси áбие, а с долго болевшими являл еси силу долго-терпения и крепкаго упования на Господа Иисуса Христа, с Врачу врачей пением:

Аллилуиа.

Икос 3.

Имея Спасителем, Свободителем, Врачевателем и Воскресителем своим и их Единого Бога Всемилостиваго, Его Единого почитая и благодаря молил еси с верою несумненною:

Радуйся, яко подвигам наследуя Наставника твоего, сподобился еси быти участником и равныя с ним Благодати; радуйся, якоже и он молитвами исцелявший всех хворающих, давая им те же про-стѣя травныя снѣди. Радуйся, в пищу себе сия

варивший, но яко травник искусный мнившийся
излечившимися и Врачем ими назван; радуйся,
Врачу подлинный Благодатный телесный и духов-
ный. Радуйся, обновителю истинный плоти и духа;
радуйся, Богу ближний и угодный. Радуйся,
предзревавший Господа пред тобою выну по
псалмѹ Давидову; радуйся, яко Той одесную тебе
бысть, да врагами не подвижишия. Радуйся, от
смерти едою своею чудотворною спасший князя
Всеволода перваго болярина; радуйся, осужден-
наго к смерти яда употреблением для хуления тво-
его в келии пещерней твоей такожде воскресив-
ший. Радуйся, и сам вкусивший смертное угощение
врача убийцы арменина безвредно; радуйся, исце-
лявший, а не лекарски врачевавший.

Радуйся, преподобнаго Антония Печерскаго
последователю, // Врачу безмездный Возлюблен-
ный.

Кондак 4.

Бури избегнув корысти и сребролюбия, монашескаго нестяжания обета презрения и отвержения чудотворения туне раздаяния, пел еси Щедроподателю с чистою совестью:

Аллилуиа.

Икос 4.

Слушая игумена увещания в Чернигов идти к умирающему, отвечал еси: аще изыду к князю, ко всем идти обещаюся, но яко монах не буду, – и помяся возрадовал еси его чудесно:

Радуйся, Богу угодный; радуйся, Им слышимый. Радуйся, просивший об исцелении князя Благвернаго; радуйся, на расстоянии от него дальнем вымоливший. Радуйся, якоже и не умиравшаго крепостию благодатною наполнивший; радуйся, четвертому уже посрамлению плачевному давно тебе

завѣствовавшаго. Радуйся, князем утешивший княжество его Черниговское; радуйся, смерти тобою избавлению предивному имущаго быти по смерти твоей Великим князем Киевским. Радуйся, сочетавший молитвенность дерзновенную и богомудрую прикровенность; радуйся, воскресивший его не тотчас же. Радуйся, вручения и глаголения переданнаго ему дождавшийся; радуйся, абие по сем содра болезни возставивший.

Радуйся, преподобнаго Антония Печерскаго последователю, // Врачу безмездный Возлюбленный.

Кондак 5.

Боготечно устремляющесе вспять близ смерти бывшим к тебе по́сланныя, цельб́у духовную ему обретóша, словесное утешение твое слышимо и тра́вы зримо твои принести имуще и поюще:

Аллилуиа.

Икос 5.

Видя решимость твою игумен Иоанн сильным землі не сдаватися, установления монашеския нарушив, от чести и славы ухода твоего и за обитель устрашился, обаче глаголал есть вскоре:

Радуйся, во искушениях твердый; радуйся, испытанный и оправданный. Радуйся, яко здравый уже князь не восхоте врача паки видети прежняго лукаваго; радуйся, яко к православному исцелителю обратися от иновернаго. Радуйся, яко старания армениновы без Божией Благодати и Помощи во вред обернулися; радуйся, яко хотящий прославитися бысть безславен. Радуйся, мысливаго преобогатитися князем неознагражденным оставивший; радуйся, бегатель скорый тленнаго человеческого благодарения. Радуйся, в обитель тебе принесенное богатство отвергнувший и за порогом бросивший, монастырским ставшее; радуйся, яко

удивлен тобою посети Владимир Мономах монастырь Святой Киево-Печерский. Радуйся, яко Целебника своего тамо тако и не увиде; радуйся, от сретения его премудро и пресмиренно уклонившийся и паче прежняго сим изумивший.

Радуйся, преподобнаго Антония Печерскаго последователю, // Врачу безмездный Возлюбленный.

Кондак 6.

Проповедию советования твоего князю сему, сыну Всеволодову удерживал еси его от страданий худших яко наказаний за прегрешения бóльшия, и к милостыне призывал еси нищим, поющим:

Аллилуиа.

Икос 6.

Просиял еси яко Промысленником Небесным на свѣщнице церковнем поставленный светильник, сияющий мучающимся людем, излечивающий телá

их и радующий души:

Радуйся, знаемый множеством верных; радуйся, нелицеприятием и безкорыстием ведомый. Радуйся, истины Христианства словом и делом извещавший; радуйся, хотящих тя вознаградити к известным им сирым, вдовам и немощным направлявший. Радуйся, яко известны тебе быша причины напавшия болезни и наступающия смерти; радуйся, уврачеванных извещавший об обязательном исправлении. Радуйся, извествовавший всех и иным помогати выживати для продления своея жизни; радуйся, сих благословлявший даяния принимающих учити Бога благодарити и даваго помянути в молитвах. Радуйся, извещати любивший берущих: и вы давайте, егда вам дастся, и паки даватися буди; радуйся, возвещавший Милости Божии щедро милующим. Радуйся, провещавший Христово и Апостола Павла речение: блаженнее

давати; радуйся, Сих же глагол провещавший: труждаяся подобает поддерживать слабых.

Радуйся, преподобнаго Антония Печерскаго последователю, // Врачу безмездный Возлюбленный.

Кондак 7.

Хотя Христову желанию всем спастися и в разум истины прийти служити, рачительно всех входящих к себе к вере и делам веры благорасполагал еси с исцелением, да поют:

Аллилуиа.

Икос 7.

Новаго Пантелеимона Целителя тебе имамы, Христу Спасителю вернаго и ближняго такожде, действительно ходатайствующаго и в радости на Небе пребывающаго:

Радуйся, не вопрошавший и не оглядывавший приходивших; радуйся, не прослушивавший и не

осязавший к тебе обращавшихся. Радуйся, не вникавший в нутра́ работу; радуйся, не ведающий именования болезней. Радуйся, не обременявшийся подробностями страдания; радуйся, довольствовавшийся наличием нездоровия. Радуйся, возрождающий лишаящихся сил жизненных; радуйся, возвеселяющий отчаяв́ающихся в унынии. Радуйся, единое прошение Врачу Небесному возносивший; радуйся, не разнообразными пользовавшийся травами, а едиными теми же. Радуйся, несомненно на Господа уповающий; радуйся, неизменно помогавший и помогающий.

Радуйся, преподобнаго Антония Печерскаго последователю, // Врачу безмездный Возлюбленный.

Кондак 8.

Станным и пришельцем помышлял еси себе на земли, яко Рай ея минул есть с изгнанием человека

Адама, и Рая Небеснаго взыскал еси дабы́ Адаму
Новому Христу Богу в нем пети:

Аллилуиа.

Икос 8.

Всяческая добродетель, заповеданная Христом
и показанная Христовым примером, свойственна
бе тебе, земному всему умёршу в пещере и в нейже
Небесному радоватися рожденну:

Радуйся, силу бо Бог дает лекарствам и не ле-
карствам; радуйся, не лукаво внушавший, а благо-
датно убеждавший. Радуйся, любовь наибольшую
стяжавший; радуйся, душу за ближняго полагава-
вший. Радуйся, вспоможения уклонитися не могу-
щий; радуйся, призываемый к участливости серд-
цем любящим. Радуйся, не разделявшийся с про-
чими членами Церкви Христоваго Тела; радуйся,
Им применяемый и управляемый яко Главою. Ра-
дуйся, посему полезный и безупречный; радуйся, к

обрадованию вечному располагающий преходящим и временным. Радуйся, ко Господу благоговение дарующий; радуйся, Богу молитвенному благодарению научающий.

Радуйся, преподобнаго Антония Печерскаго последователю, // Врачу безмездный Возлюбленный.

Кондак 9.

Всяк день и час, и нощи твоя посвящал еси человекам услужением богоугождению, исполнив Спасителя совет благий, видимых возлюбити являя любовь к Невидимому с пением:

Аллилуиа.

Икос 9.

Ветийственным разуму, устам и письму не под силу тебе уразумети, о тебе рещи или живописати мерою должною, яко безмернаго в добродетелех, сице речем, не мудрствуяще:

Радуйся, из града Кіева в юности в Кіев Свя-
тый перешедший; радуйся, в третьем Уделе Пречи-
стыя обосновавшийся. Радуйся, к принесшему
сюда Благословение Игуменни Афонския при-
мкнувший; радуйся, им воспíтанный и напра́влен-
ный. Радуйся, волею свободною строгий к себе
іноче; радуйся, решимостию подвизатися преис-
полнен. Радуйся, в соблюдении устава Отец святых
неукоснительный; радуйся, ко всем добросердеч-
ный и благодостный. Радуйся, к Горнему восходя не
падавший; радуйся, в Богу предстоянии молитвен-
ном денном и нощном нерушимый. Радуйся, стре-
мительный в доброделании; радуйся, искусный в
добротолубии.

Радуйся, преподобнаго Антония Печерскаго
последователю, // Врачу безмездный Возлюблен-
ный.

Кондак 10.

Спасти хотя не лишё душу, но и плоть, от страсти и греха умирающия, не точию умозрительно и сердечно труждался еси, но и телесно сурово и мужественно, с присным пением:

Аллилуиа.

Икос 10.

Стеною монастырскою огражден не скорбел еси о сем, имея ю свободы от міра защищением, и паче сего, под землю обители низходил еси, в пещере Богу молітися, безмолвствуя для міра:

Радуйся, не покидавший ограду; радуйся, подвизавшийся зримо и невидимо. Радуйся, отшельниче; радуйся, затворниче. Радуйся, пещерниче; радуйся, молчальниче. Радуйся, сими жертвовавший любви ради; радуйся, болит ли кто в братии, келию оставлявший. Радуйся, лечивший сих и

выхаживавший; радуйся, молившийся за них горячо и неумолимо. Радуйся, мирян принимавший токмо в стенах монастырских в пещере и на просторе; радуйся, всех их живыми и здоровыми соделывавший.

Радуйся, преподобнаго Антония Печерскаго последователю, // Врачу безмездный Возлюбленный.

Кондак 11

Пение Господу об успении вернаго и преподобнаго избраннаго Его Угодника приносили суть игумен и братия с людей благодарных неизчислимым множеством, в пещере тело твое погребаяюще:

Аллилуиа.

Икос 11.

Светоосиян предстал еси, из Райския обители явившись, спасти врача арменина родом и верою

грешную душу, увещая креститься и иночествовати в Печерской обители, якоже обещася:

Радуйся, поразив и обрадовав некогда злочестиваго; радуйся, исправив и освятив его жительство. Радуйся, тебе бо ради водою и Духом сей родися; радуйся, яко православно веровал есть и монашествовал. Радуйся, из земныя в Горнюю обитель его приведший; радуйся, исцелявший, исправлявший и управлявший согласных. Радуйся, всем известный и всеми чтимый; радуйся, возлюбивший, любящий и любимый. Радуйся, врагами врагов не полагававший; радуйся, в сродных по Бóзе сих претворявший. Радуйся, Гóспода славящий постоянно; радуйся, zde и на Небе Им прославленный.

Радуйся, преподобнаго Антония Печерскаго последователю, // Врачу безмездный Возлюбленный.

Кондак 12.

Благодатию Божию очищен и освящен, сподобился еси мощей нетления, без седмидесяти пяти тысящу уже лет крепкими и целыми зримых в пещеры Ближния притекающими, о сем поющими:

Аллилуиа.

Икос 12.

Поюще былыя и новыя милости твоя всем, в помощи твоей целебней нуждавшимся и нуждающимся, в молитвах и поклонении святыне твоей чтуще и благодаряще тя, глаголем радуйся:

Радуйся, наша надеждо; радуйся, наше упование. Радуйся, наше здравие; радуйся, наше воскресение. Радуйся, наш покровителю; радуйся, бед избавителю. Радуйся, душою Богу предстоящий; радуйся, в пещерней церкви Введения во храм Богородицы телом покоящийся. Радуйся, видящий

нас и слышащий; радуйся, абие помогающий. Радуйся, выручающий; радуйся, спасающий.

Радуйся, преподобнаго Антония Печерскаго последователю, // Врачу безмездный Возлюбленный.

Кондак 13.

О, троицею святою, Врачу Агапите, с Антонием и Феодосием, / преставившеюся, но живою, / Троице Пресвятей служаще и Пресвятей Богородице, / втроем поюще выну, / и нас учити пети: //

Аллилуиа, аллилуиа, аллилуиа.

Сей кондак глаголется трижды. И паки читаем:

Икос 1.

Ангелу подобному, с Афона низпосланному, молениям, бдениям, пощениям и страждущим прилежанию с лечением любви ради к Богу и ближнему подражал еси от юности до старости:

Радуйся, Богом Любовию благословенный; радуйся, Божию Материю покровительствуемый. Радуйся, дом отчий в Киеве отринувший яко временный; радуйся, в Дом молитвы навеки преселившийся. Радуйся, со дня вхождения в обитель спасения ея не покидавший; радуйся, в пещере, тебе благословенной для жительства, для вечныя жизни самоумерщвлявшийся. Радуйся, Христово: нет больше тоя любви, аще кто положит душу свою за други, – при сем исполнивший; радуйся, святыми старшими научаемый. Радуйся, за Первоначальником братства вашего благоговейно назиравший; радуйся, благословения его на подвиги испрашивавший. Радуйся, якоже и он любовию Божественною пламенеющий; радуйся, не в туне исполненный Духа Святаго дарами, недужащих пользующий и омертвеваяющих воскрешающий.

Радуйся, преподобнаго Антония Печерскаго

последователю, // Врачу безмездный Возлюбленный.

Кондак 1.

Избранный из жителей Киева / в братию обители Успения Богородицы, / болящих и умирающих исцелял еси / облагодатствованною молитвами / травую своею постническою, и слышиши: /

Радуйся, преподобнаго Антония Печерскаго последователю, // Врачу безмездный Возлюбленный.

Молитва.

Агапите преподобне, Врачу святой Киево-Русский, безсребренникам и чудотворцам древле древним и современным тебе по древности также подобно подвизавшийся от юности до старости! Антонием преподобным прозорливо принятый в братию основанная им Печерския обители и Евангелия и Апостола усвоения и сим следования,

заповедей Божиих, святых Отец учения и устава монастырскаго неопустительнаго исполнения, Таинствам Святым приобщения, моления, псалмопения, бдения, трезвения и пощения с пещерножитиём подвигам благоуспешно обученный, Троице Святей и Пресвятей обители вашей Игуменнии благоугодѣв, и многия служити Им научив примером своим, советами и молитвами, любовью жертвенною, врачеванием тяжко болеющих и за ними безотлучным прилежанием, и даже умирающих воскресением пятерицею на Русь всю Киевскую прославился еси, стены монастыря не оставляя. Душу свою пришед спасти в тесноте и темноте пещерней, скоро очистил, просветил и освятил еси немощная врачующею и оскудевающая восполняющею Божественною Благодатию. И заповеданный Господом Иисусом Христом, Сыном Божиим, воплотившимся нас ради, Павлом Его апостолом

наибольшим названный Любви дар стяжал еси к людем и Богу. Имже яко рукою твердою водим, келию оставлял еси, скудости ея ради неокрадываемую, и немощным и болеющим самоотверженно служил еси, сколько требовалось есть твое участие.

Преподобному Исаакию, в затворе врагами спасения уязвленному, ослабленному и недвижимому беспомощно долговременно, Антония Великаго, за ним ухаживавшаго и по навету тех же врагов невидимых князем из обители изгнаннаго и в Болдине обосновавшагося временно, сменил и дослужил еси рукама своима и Благодатию растворенными умением и молитвами до выздоровления. Неверным арменином к смерти приговоренных по болезни неизлечимой болярина перваго князя Всеволода и отравлением для тебя посрамления преступника излечил еси такожде словом уверения и

в́арева твоего из зелия вкушением. Владимира Мономаха, сим же врачевателем злым во отчаяние смертное вверженнаго, исцелил еси, трав́ы сея своея пучком яко целебным сна́добием неким снабдив чрез им посланных, молитвою воскресив заочно и строго настрого безмездно. Бедным и нищим помощи вместо жертвы благодарения тебе сего научая. Пр́остых и именитых множества Врачем был еси безсребренником. Арменина того, пришедшаго к тебе любопытствуя, к вере Истинней обратил еси, принесенного к тебе болящаго исцелив при сем а́бие, сам умирая. И три месяца живота во уверение его себе у Бога испрося, три дня до смерти, тебе им предсказанная, оспóрив. По преставлении же из Вечности и обители Райския твоея явился еси ему во свете и славе, креститися и душу свою спасти в Печерском Киевском твоём монастыре его благопонуждая.

Не остави же и ныне нас, в злостраданиях пребывающих и страхе заразиться коварным новым мором. Безвременная смерти упреди и избави. А умирающих нераскаянно воскреси для покаяния, исправления и в Вере жительства Правой.

О, Боже наш Единый и Трисвятый и Пречистая Приснодево Богородице, ради ходатайств святых Врача сего Возлюбленного, угодных Вам и Вами вдохновляемых, спасите нас и сподобите ныне, и присно, и во веки веков со Ангелы и Святыми с ним Вас славить. **А**минь.

Тропарь преподобнаго Врача Агапита, глас 5.

Безсребренников и чудотворцев святых дру-
жины/ сотруди́че преподобный Агапите Киево-
Печерский,/ страждущим полезный Врачу безмезд-
ный,/ потщися о нас, погибающих, и молися,/ да
живы и здравы будем, приемлюще туне,// всещед-
рыя и целебныя Милости Божия.

Кондак, глас 5.

Благо есть на Господа уповати/ святым Его и
нам, грешным,/ такожде спастися хотящим,/
смерти избегнувшие временныя и вечныя,/ и свобо-
дившеся от болезней,/ молитвами твоими низпосы-
лаемою цельбою,/ Агапите Блаженне, зовуще:// Ра-
дуйся, Врачу безмездный Киево-Печерский.

Величание.

Ублажаем,/ ублажаем тя,/ преподобне Врачу
наш безмездный Агапите,/ и чтим святую память
твою,/ монаше Целебниче, // Бога со Ангелы славя-
щий.

